



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77, Հեռ.

N

91/4419

< 03 >

12

2021թ

Նարեկ Հովակիմյանին
Հասցե՝ ք. Արմավյան Գառնի փ. 582. 6բն.

Ուղարկում եմ ՀՀ ոստիկանության պարեկային ծառայության իրավաբանական բաժանմունքում Ձեր դիմումի հիման վրա հարուցված վարչական բողոքարկման վարույթի արդյունքում կայացված <<Թիվ 8180040303 որոշումը բեկանելու և վարչական իրավախախտման վերաբերյալ գործի վարույթը կարճելու մասին>> որոշման օրինակը:

Առդիր՝ <<2>> թերթից:

Հարգանքով՝

Պետի ծառայության գծով տեղակալ,
ոստիկանության գնդապետ՝

Ա. ՄԱԹԵՎՈՍՅԱՆ

կատարող՝ Ն. Քոչարյան
Հեռ. 010304202

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 02.11.2021թ-ին կայացված թիվ 8180040303 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 03 >> 12 2021թ.

ք.Երևան

ՀՀ ոստիկանության պարեկային ծառայության պետի ծառայության գծով տեղակալ, ոստիկանության գնդապետ Ա. Մաթևոսյանս, վերանայելով Նարեկ Արմենի Հավակնմյանի (Ծանուցման հասցե՝ Կոտայքի մարզ, ք. Արուսյան, Գառնի փող. 58 շ. 6 բն.) (Այսուհետ՝ դիմող) 05.11.2021թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

02.11.2021թ.-ին՝ ժամը 22:50-ի սահմաններում, Երևան քաղաքի Աճառյան փողոցում դիմողի վարած «Լադա» մակնիշի 36 XR 176 հաշվառման համարանիշի տրանսպորտային միջոցը կանգնեցվել է ՀՀ ոստիկանության պարեկային ծառայության Երևան քաղաքի գնդի 1-ին գումարտակի 3-րդ վաշտի պարեկ Էմիլ Ալբերտի Իսկանդարյանի կողմից՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու (Այսուհետ՝ ԱՊՊԱ պայմանագիր) համար:

Դիմողի նկատմամբ կազմվել է վարչական իրավախախտման վերաբերյալ արձանագրություն՝ «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի հատկանիշներով և կայացվել թիվ 8180040303 որոշումը՝ վերջինիս 100.000 ՀՀ դրամի չափով տուգանելու վերաբերյալ:

Դիմողը 05.11.2021թ.-ին դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 02.11.2021թ. կայացված թիվ 8180040303 որոշումը՝ նշելով, որ տրանսպորտային միջոցը ունեցել է գործող ԱՊՊԱ պայմանագիր, սակայն պայմանագիրն իր մոտ առկա չի եղել և դիմումին կից ներկայացրել է «Ռոսգոսստրախ Արմենիա» ԱՓԲԸ-ի հետ կնքված թիվ SQ 214650 ԱՊՊԱ պայմանագրի պատճենը:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ոստիկանության պարեկային ծառայության իրավաբանական բաժանմունքում հարուցվել է վարչական բողոքարկման վարույթ:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել

է, որ վարչական իրավախախտման վերաբերյալ գործով 02.11.2021թ. կայացված թիվ 8180040303 որոշումը ենթակա է բեկանման՝ հետևյալ պատճառաբանությամբ.

Դիմողը պատշաճ ծանուցվել է վարչական լսման օրվա և ժամի մասին, սակայն չի ներկայացել:

«Ռոսգոսստրախ Արմենիա» ԱՓԲԸ-ի հետ կնքած թիվ SQ214650 պայմանագրի ուսումնասիրությունից պարզվել է, որ այն ուժի մեջ է 03.07.2021թ.-ից մինչև 02.11.2021թ.-ը, այսինքն ենթադրյալ իրավախախտման պահին՝ ժամը 22:50-ին, դիմողը ունեցել է գործող ԱՊՊԱ պայմանագիր:

Հայաստանի նապահովագրական ընկերությունների ավտոնապահովագրական «ASWA» էլեկտրոնային կայքէջի տվյալները ևս հաստատում են, որ դիմողի վարած տրանսպորտային միջոցը վարչական իրավախախտման վերաբերյալ արձանագրություն կազմելու պահին ունեցել է գործող ԱՊՊԱ պայմանագիր:

Դիմողի կողմից ներկայացված թիվ թիվ SQ214650 ԱՊՊԱ պայմանագիրը համապատասխանում է իրականությանը:

«Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի ա) կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման եթե բացակայում է վարչական իրավախախտման դեպքը կամ կազմը:

Այսպիսով, ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 02.11.2021թ. կայացված թիվ 8180040303 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և պարեկային ծառայության Երևան քաղաքի գունդ:

Պետի ծառայության գծով տեղակալ,
ոստիկանության գնդապետ՝


Ա. Մաթևոսյան